



Gran interes a reina diabolne anochi den Trappers Club pa e eleccion di e reina di Connie Francis Teeners. Pa mas o menos un'or y mei di marduga a ser anuncia cu srta. Edna Croes a obtene mayoria di e votonan (5273) y asina a bira e reina di C.F.T. pa 1967. E foto ta muestra, e prins di C.F.T. "Prins Biljechi" y Pancho "Planilla" ta felicitando e reina nobo, Parti patras por mira e otro 5 candidatonan cu a participa na e eleccion.



Un otro foto riba cual ta aparece Young Quick Silver (cu corona) e rey di calypso 1967. Na robez por mira "Lord Sweet Sweet", kende a bira numero dos, y na drechi "Stinger Ray" (Ray Anthony Thomas) kende a bira numero tres.



Otro actividad carnavalesco riba diabolne anochi, tabata e calypso contest cu a tuma lugar den Lago Sport Park na San Nicolas. Cu gran mayoria di voto, Young Quick Silver (David Hodge) a ser eligi como e rey di calypso pa anja 1967. Anja pasa Quick Silver a sali numero tres, despues di King Poncho y King Paul. E dos ultimonan ta kedaando actualmente den exterior y no por a participa den e contest. Anja pasa Young Quick Silver a compone e cancion "Archie buck me up" cual a bira e "roadmarch" pa carnaval 1966, y diabolne anochi el a presenta cu e numero di propio composicion "Fireworks Jamsession" cual lo ta e "road march" pa carnaval di e anja aki. E cancion aki ta trata riba e candela grandi cu tabatin algun luna pasa den Village na San Nicolas. E foto ta muestra sr. Milo Croes, presidente di S.A.C., ta corona Young Quick Silver como rey di calypso.



Reina di Carnaval di Connie Francis Teeners a anja aki ta srta. Edna Croes. El a obtene e total di 5273 voto diabolne anochi den Trappers Club. E foto ta muestra na robez, e reina saliente, srta.

Hortencia Webb (cu corona) y nadrechi e reina di C.F.T. pa 1967, srta. Edna Croes. E reina nobo a worde corona ayera nochi pa sr. Caleis Croes di Texas Furniture Store, durante un candeloso fiesta bailable riba ritmonan di "Sensacion del Caribe".



Otro popular cantante di calypso tabata "Lord Boxo", kende, a pesar cu e no a clasifica, a actua

na satisfaccion di e cantidad grandi di publico, diabolne anochi den Lago Sport Park.



Hopi trabao, e directiva di Connie Francis Teeners tabatin diabolne anochi cu e contamento di voto cu cada candidata a hanja.



Aki e presidente saliente di Kiwanis Club, sr. Bob Lopez Henriquez (na robez) ta pasando documento na e presidente nobo, sr. N.P. Schindeler.



"Young Quick Silver" compositor di e roadmarch 1966 "Archie buck me up" y esun di 1967 "Fireworks Jamsession", durante un di su cancionnan diabolne anochi den Lago Sport Park, prome cu el a ser eligi rey di calypso 1967.

APOYA CARNAVAL NA ARUBA